

Siku ro pfala ra vahakelaxibalo va nkarhinyana, ku katsa na tithirasiti i Ravunharhu ti 24 Sunguti 2024

Tshwane, 18 Sunguti 2024 - Siku ro pfala ra vahakelaxibalo na tithirasiti leswi nga vahakelaxibalo va nkarhinyana ro fayila mitlheriso ya vona ya xibalo xa malinghena eka lembexibalo ra 2023, i Ravunharhu ti 24 Sunguti 2024. Lembe ra 2023 ra nhlahluvo ri vula nkarhi exikarhi ka ti01 Nyenyankulu 2022 ku fikela ti 28 Nyenyenyani 2023.

Muhakelaxibalo wa nkarhinyana i munhu wihi na wihi loyi a amukelaka malinghena kumbe loyi a holaka malinghena, handle ka ya muholo. Thirasiti yi katsiwile ehansi ka nhlamuselo ya "munhu" ku ya hi Nawu wa Xibalo xa Malinghena, nomboro 58 wa 1962 naswona u tekiwa tanihi muhakelaxibalo.

Tithirasiti hinkwato ti fanele ku fayila ntlheriso hi lembe, ku katsa na leti nga hanyiki hi ku ya hi ikhonomi. Mutshembiwa i muyimela muhakelaxibalo wa Thirasiti naswona u na vutihlamuleri byo fayila ematshan'wini ya Thirasiti kumbe ku thola mutivi wa swa xibalo loyi a tsarisiweke ku endla tano.

Vukorhokeri bya Xibalo bya Afrika-Dzonga (SARS) byi le ku tekeni ka endlelo ra nkankondzelelo eka vahakelaxibalo lava nga titsariselangiki xibalo lexi faneleke, lava nga fayileku mitlheriso ya xibalo, lava nga endleku mitiviso leyi lulameke eka mitlheriso ya vona ya xibalo no tsandzeka ku endla tihakelo leti va ti kolotaka SARS laha swi faneleke. Nkavulandzelelanawu eka swiboho leswi i nandzu wa vugevenga naswona wu ta koka rinoko ra mixupulo na ntswalo.

Ku sukela eka lembe ra nhlahluvo ra 2023, vatshembiwa va fanele ku rhumela matsalwa mo seketela lama bohaka enkarhini wa phurosese yo fayila. Matsalwa lama ma katsa exikarhi ka man'wana, xitirho xa Thirasiti, Switatimende swa Timali ta Lembe, Mapapila ma Vulawuri, swintshuxo/makanelwa ma tihlengeletano ta vatshembiwa na oganogiramu leyi kombisaka Vun'wini lebyi Vuyarisaka bya Thirasiti. Ku engetelela, vavuyeriwa va Thirasiti va fanele ku tivisa malinghena ya vona, ku katsa na malinghena leyi amukeriweke ku suka eka Thirasiti, eka mitlheriso ya vona vini ya xibalo xa malinghena.

SARS yi endle swi olova eka vahakelaxibalo ku landzelela hi ku tirhisa swintshuxo swo fayila swa le ka inthanete. Ntlheriso wa xibalo wa malinghena xa munhu (ITR12) yena n'wini wu nga kumeka eka eFiling hiletlhelo xitshembisano xi nga endliwa na rhavi ra SARS eka webusayiti ya SARS. Vahakelaxibalo va hlohloteriwa ku langutisa eka webusayiti ya SARS mayelana na vuxokoxoko hi xitalo eka swiboho swa vona swa xibalo, [Tithirasiti](#), [Nguva yo Fayila ya Xibalo ya 2023](#) na [Xibalo xa Nkarhinyana](#).

Mayelana na vuxokoxoko, tihlanganise na SarsMedia@sars.gov.za